

ՄԱՅԻՍԻ 26-ԻՆ ՎՐԱՍՏԱՆԻ, ԻՍԿ 28-ԻՆ ՀԱՅԱՍՏԱՆԻ ՊԵՏԱԿԱՆՈՒԹՅՈՒՆՆԵՐԻ ՎԵՐԱԿԱՆՈՒՄԱՆ 100-ԱՄՅԱՎՆ Է

# ԺՈՂՈՎՐԴԱՎԱՐԱԿԱՆ ԱՌԱՋԻՆ ՀԱՆՐԱՊԵՏՈՒԹՅՈՒՆՆԵՐԻ ՀԱՐՅՈՒՐԱՄՅԱ ՀՈՐԵԼՅԱՆԻՆ ԸՆԴՈՒՄ



### ՎՐԱՍՏԱՆ

#### ՊԵՏԱԿԱՆ ԶԻՆԱՆՇԱՆԸ

Վրաստանի զինանշանը համարվում է Վրաստանի պետական խորհրդանիշերից մեկը, ընդունվել է 2004 թվականի հոկտեմբերի 1-ին: Իրենից ներկայացնում է կարմիր վահան, որի վրա պատկերված է Սուրբ Գիորգին՝ օձին խոցելու պահին: Վահանը վերելից զարդարում է վրացական հայտնի միապետական տոհմերից Բագրատիոնի արքայական ոսկե թագը, որը բռնել են երկու ոսկե առյուծները: Վահանի ներքեւում գրված է հետեւյալ նշանաբանը՝ «Ուժը

միասնության մեջ է»:

Այս զինանշանը ստեղծվել է վրացական Բագրատիոնի արքայական տան զինանշանի նմանությամբ:

Վրացական անկախ հանրապետությունը (1918-1921 թթ.) ուներ սեփական պետական խորհրդանիշերը: 1991 թվականին, անկախության վերականգնումից հետո, կրկին ընդունվեց 1918 թվականին գոյություն ունեցող զինանշանը: 2004 թվականին վերջինս փոխարինվեց ներկայիս՝ ժամանակակից զինանշանով:

### ՊԵՏԱԿԱՆ ԴՐՈՇ

Ներկայիս դրոշը ընդունվել է 2004 թ.: Մինչ խորհրդարանի հաստատումը՝ որպես պետական դրոշ, այն օգտագործվում էր Միխեիլ Սաակաշվիլու Ազգային շարժման կողմից: Պատկերում է 1 մետր եւ 4 փոքր խաչեր: Մեծ խաչը խորհրդանշում է Աստուծան, իսկ 4 փոքրերը՝ ավետարանիչներին:

Վրաց հետազոտող Իոսեբ Բիճիկաշվիլին նշում է, որ հինգ խաչերի պատկերներ Վրաստանի տարածքում հայտնաբերվել են մի շարք եկեղեցիներում:

Նշենք, որ առաջին հանրապետության պետական դրոշը հոնագույն, սեւ եւ սպիտակ շերտերով էր, այն վերացվեց երկրում խորհրդային իշխանության հաստատումից հետո, 1921 թվականին, կրկին վերականգնվեց 1991 թվականին՝ երկրի անկախության վերականգնումից հետո:

### ՊԵՏԱԿԱՆ ՕՐԴՆԵՐԳԸ

«Թավիսուփլեբա» («Ազատություն») Վրաստանի պետական օրհներգը: Օրհներգի բառերը վերցված են Զաքարիա Փալիաշվիլու (1871-1933) «Դախի» եւ «Աբեսալոմ եւ էթերի» օպերաներից: Խոսքերի հեղինակը ժամանակակից վրաց բանաստեղծ Դավիթ Մաղրաձեն է, ով օգտագործել է մեջբերումներ վրաց դասական բանաստեղծներ Ակակի Շերթելու, Վաժա Փշավելայի, Գրիգոր Օրբելիանու եւ Գալակտիոն Տաբիձեի բանաստեղծություններից:



### ՀԱՅԱՍՏԱՆ

#### ՊԵՏԱԿԱՆ ԶԻՆԱՆՇԱՆԸ

Հայաստանի զինանշանի կենտրոնական մասում, վահանի վրա, պատկերված են հայկական չորս թագավորական տոհմերի՝ Արտաշեսյանների, Արշակունիների, Բագրատունիների եւ Ռուբինյանների (Կիլիկյան թագավորություն) զինանշանները: Դրանք բոլորում են բիբլիական Արարատ լեռան պատկերը, որի գագաթին ուրվագծվում է Նոյյան տապանը:

Վահանը պահում են արծիվը (ծախից) եւ առյուծը (աջից), իսկ վահանից ներքեւ պատկերված են սուր, ճյուղ, հասկերի խուրձ, շղթա եւ ժապավեն::

Հայաստանի Հանրապետության պետական զինանշանի մասին օրենքն ընդունվել է 2006 թ. հունիսի 15-ին: Հայաստանի զինանշանի հեղինակները նկարիչ Հակոբ Կոչոյանն ու ճարտարապետ Ալեքսանդր Թամանյանն են:

### ՊԵՏԱԿԱՆ ԴՐՈՇ

Հայաստանի դրոշը սահմանված է Հայաստանի սահմանադրությամբ եւ դրոշի մասին օրենքով: Կազմված է կարմիր, կապույտ, նարնջագույն գույներից (վերելից ներքեւ)՝ հորիզոնական հավասարաչափ շերտերով, լայնության եւ երկարության 1:2 հարաբերակցությամբ: Այն չափերով եւ գույներով Հայաստանի Առաջին Հանրապետության (1918-1920 թթ.) դրոշի կրկնությունն է:



Կարմիր գույնը խորհրդանշում է Հայկական բարձրավանդակը, հայ ժողովրդի մշտական պայքարը հարատեւման, քրիստոնեական հավատքի, Հայաստանի անկախության եւ ազատության համար: Կապույտ գույնը՝ հայ ժողովրդի ապրելու կամքը խաղաղ երկնքի տակ: Նարնջագույնը խորհրդանշում է հայ ժողովրդի արարչական տաղանդն ու աշխատասիրությունը:

### ՊԵՏԱԿԱՆ ՕՐԴՆԵՐԳԸ

Հայաստանի Հանրապետության «Մեր հայրենիք» ազգային օրհներգը ընդունվել է 1991 թվականի հուլիսի 1-ին եւ հիմնված է Առաջին Հանրապետության օրհներգի վրա՝ տեքստի չնչին փոփոխություններով: Հիմնի տեքստը վերցված է Միքայել Նալբանդյանի «Իտալացի աղջկա երգը» բանաստեղծությունից: Այն առաջին անգամ հնչեց 1885թ. մարտի 15-ին՝ որպես Թիֆլիսի «Արծրունի» թատրոնում կայացած հայ առաջին քառաձայն համերգի առաջին երգ: Հետագայում այն մշակել է նաեւ Բարսեղ Կանաչյանը:

Հիշեցնենք, որ Հայկական խորհրդային Սոցիալիստական Հանրապետության օրհներգը ստեղծվել էր 1944 թվականին, աշխարհահռչակ կոմպոզիտոր Արամ Խաչատրյանի երաժշտության եւ բանաստեղծ Սարմենի խոսքերի հիման վրա: Այն որպես օրհներգ, հնչել է մինչեւ 1991 թվականը:

## ՀԱՍՏՈՂՈՎ

# ՎՐԱՍՏԱՆԻ ՄԻԱԿ ԿԻՆ ՔԱՂԱՔԱՊԵՏ ԱՆԻ ՄՈՍՈՅԱՆԸ ԵՒՈՒՅԹ ՈՒՆԵՅՈՎ ՀԱՄԱՎՐԱՅՈՒՄԱՆ ՀԱՄԱԺՈՂՈՎՈՒՄ

## ԳԵՆԴԵՐԱՅԻՆ ԻՐԱՎԱՀԱՎԱՍՏՐՈՒԹՅՈՒՆ` ՏԵՂԱԿԱՆ ԻՆՔՆԱԿՈՒՎԱՐՄԱՆ ՄԱԿԱՐԴԱԿՈՎ

Մայիսի 15-ին Թբիլիսիում առաջին անգամ անցկացվեց «Գեոնդերային իրավահավասարությունը՝ գեոնդերային ինքնակառավարման մեջ. մարտահրավերներ եւ միջազգային հնարավորություններ» համավրացական ազգային համաժողովը, որի նպատակն էր մի կողմից գեոնդերային իրավահավասարության ոլորտում մուկնիցիպալիտետների միջեւ համակարգված աշխատանքի աջակցությունը եւ մյուս կողմից՝ ինքնակառավարման մարմինների ու ազգային իշխանությունների միջեւ միասնական մոտեցման ձեւավորումը:

Համաժողովին մասնակցեցին Վրաստանի բոլոր ինքնակառավարման քաղաքների եւ մունիցիպալիտետների քաղաքապետները, սակրեբուլոնների նախագահները, գեոնդերային իրավահավասարության խորհուրդների նախագահներն ու քաղաքապետարաններում գեոնդերային իրավահավասարության հարցերով պատասխանատու անձինք:

Համաժողովի բացմանը ելույթ ունեցան Վրաստանի խորհրդարանի նախագահի առաջին տեղակալ, գեոնդերային իրավահավասարության խորհրդի նախագահ Թամար Չուգոշվիլին, Թբիլիսիի քաղաքապետ, Վրաստանի ինքնակառավարման ազգային ասոցիացիայի նախագահ Կախա Կալաձեն, Վրաստանի տարածաշրջանային զարգացման եւ ենթակառուցվածքների փոխնախագահ Սգիա Գիորգոբիանին, մարդու իրավունքների եւ գեոնդերային իրավահավասարության հարցերով Վրաստանի վարչապետի խորհրդական, գեոնդերային իրավահավասարության, կանանց նկատմամբ բռնության եւ ընտանեկան բռնության հարցերով, միջգերատեսչական հանձնաժողովի նախագահ Սոփո Ջափարիձեն, ԱՄՆ-ի ազգային-ժողովրդավարական ինստիտուտի տնօրեն Լորա Թարտոնը: Ելույթ ունեցողների թվում էր նաեւ Նիոնոմիդայի քաղաքապետ Անի Մոսոյանը:

Համաժողովն անցկացվեց Վրաստանի խորհրդարանի գեոնդերային իրավահավասարության խորհրդի եւ Վրաստանի ինքնակառավարման ազգային ասոցիացիայի նախաձեռնությամբ ԱՄՆ-ի ազ-

գային-ժողովրդավարական ինստիտուտի (NDI) եւ ՄԱԿ-ի զարգացման ծրագրի (UNDP) մասնակցությամբ:

Համաժողովի աշխատանքի մասնակիցների թվում էին նաեւ Ախալքալաքիի սակրեբուլոյի նախագահ Նաիրի Իրիցյանը, Ախալքալաքիի փոխքաղաքապետ Արմեն Մառանգուլյանը, Նիոնոմիդայի քաղաքապետարանի գեոնդերային իրավահավասարության բաժնի աշխատակցուհի Նինա Կյուրեղյանը:

Չեր ուշադրության ենք ներկայացնում համաժողովում Վրաստանի միակ կին քաղաքապետ, Նիոնոմիդայի քաղաքապետ Անի Մոսոյանի ելույթը՝ թարգմանաբար վրացերենից:

- Ինձ մեծ պատիվ է վիճակվել ելույթ ունենալ այս հեղինակավոր համաժողովում եւ դրա համար շնորհակալություն եմ հայտնում կազմկոմիտեին: Ես Սամցխե-Ջավախեթի տարածաշրջանի Նիոնոմիդայի մունիցիպալիտետի քաղաքապետ եմ եւ ցանկանում եմ ձեզ ներկայացնել մեր մունիցիպալիտետում գեոնդերային իրավահավասարության տեսանկյունից իրականացված գործունեությունը: Միանգամից նշեմ, որ գեոնդերային իրավահավասարության թեման իրականում շատ հրատապ է եւ հետաքրքիր:

Չնայած, որ կանանց իրավունքների պաշտպանության տեսանկյունից մեզանում դեռեւս հիմնախնդիրները շատ են, ակնհայտ է, որ պետությունն արդյունավետ քայլեր է կատարում կանանց նկատմամբ բռնության վերացման, իրավահավասարության միջավայրի ստեղծման ուղ-

ղությամբ, ինչպես նաեւ որոշում ընդունելու գործընթացում կանանց դերի մեծացման եւ այլ ուղղություններով: Ուրախալի է, որ Վրաստանում գործում են կանանց եւ աղջիկների իրավունքների ուղղությամբ գործող անհրաժեշտ ինստիտուցիոնալ մեխանիզմներ, որոնց գործունեությունն առավել արդյունավետ է դառնում:

Նման մեխանիզմներից մեկը գործում է նաեւ մեր մունիցիպալիտետում: 2015թ. մարտից հիմնվեց այսպես կոչված «կանանց սեյնակ», որը նպաստեց կանանց հիմնախնդիրների առավել հստակ բացահայտմանը եւ գեոնդերային իրավահավասարության ապահովման գործին, իսկ ոչ կառավարական ICCN կազմակերպության հետ ձեւավորված համաձայնագրով, երկու աշխատակիցները դարձան կանանց սեյնակի մեմբերները:

Նիոնոմիդայի մունիցիպալիտետի 2018 թվականի բյուջեի ձեւավորման ժամանակ մասնակիորեն հաշվի առնվեցին միայնակ ծնողների, բազմազավակ ընտանիքների եւ ընտանեկան բռնության զոհերի նպատակային ծրագրերը: Աստիճանաբար միջոցներ են ձեռնարկվում գեոնդերային իրավահավասարության ապահովման ուղղությամբ:

Թբիլիսիում գործող ոչ կառավարական «Սահմանադրության 42-րդ հոդված» կազմակերպության հետ եւս կազմակերպեցինք հետաքրքիր վարժանքներ՝ «Տե-

ղի կանանց եւ երիտասարդների իրավունքների պաշտպանության, վաղ ամուսնությունների եւ ընտանեկան բռնության հիմնախնդիրներ» թեմայով:

Ընթացիկ տարվա մարտի 30-ին Նիոնոմիդայի մունիցիպալիտետի սակրեբուլոյում հիմնվեց գեոնդերային իրավահավասարության խորհուրդ: Խորհրդի լիարժեք աշխատանքի իրականացման նպատակով, անցկացվում են հանդիպումներ մունիցիպալիտետի տարածքում ապրող կանանց հետ նրանց մտահոգող հիմնախնդիրների եւ պահանջների ուսումնասիրության նպատակով: Ավելացնեմ նաեւ, որ գեոնդերային իրավահավասարության տեսանկյունից Նիոնոմիդայի մունիցիպալիտետում ամենակարեւոր մարտահրավերն այն է, որ կանայք բավականին պասիվ են եւ քիչ ներգրավված հասարակական կյանքում: Հաստատված է այն տեղեկություն, որի, նշանակալի որոշումների ընդունման ժամանակ, տղամարդիկ միշտ առաջնային տեղում են:



ՀԱՐՑ - ՊԱՏՃԱՍԽԱՆ ԱՅԼԱԶԱՆ ԽՈՐՀՈՒՐԴՆԵՐ

ԿԵՆՍԱԿԵՐՊ

ՎԻՃԱԿԱԳՐՈՒԹՅՈՒՆ

ՎՐԱՍՏԱՆԻ ԱՄԵՆԱԽՏԱԲԵՆԱԿ ՎԱՅՐԸ

Այն, որ Թբիլիսին Վրաստանի ամենախիտ բնակեցված վայրն է...



Թբիլիսի

Իրոք, Թբիլիսին ամենախիտ բնակեցված վայրն է Վրաստանում...

Բնակչության խտության ցուցանիշով երկրորդ տեղն զբաղեցնում է Աջարիան...

Առաջատարների եռյակը եզրափակում է Իմերեթի տարածաշրջանը...

Դրանց հաջորդում են Շիդա Քարթլի (1 քառակուսի կիլոմետրի վրա՝ մոտավորապես 77 մարդ)...

Գուրիային հաջորդում է Սամեգրել-Չեմո Սվամեթի տարածաշրջանը...

Կախեթին հաջորդում է Սամցխե-Ջավախեթին 1 քառակուսի կիլոմետրի վրա 25 մարդ:

1 քառակուսի կիլոմետրի վրա մոտավորապես 17 մարդ է ապրում Մցխեթա-Մթիանեթի տարածաշրջանում:

Պարզվել է, որ Վրաստանի ամենաքիչ բնակեցվածը Ռաճա-Լեչխումիի է...

ՀԵՏԱՔՐՔԻՐ Է

ՕՐԳԱՆԻԶՄԸ ԿԱՐՈՂ Է ԻՆՔՆԱՎԵՐԱԿԱՆԳՆԿԵԼ ԵՎ ԻՆՔՆԱԿԱՏԱՐԵԼԱԳՈՐԾՎԵԼ



Գոյություն ունեն բժշկական 180 նեղ մասնագիտություններ, որոնցից յուրաքանչյուրը զբաղվում է...

Օրգանիզմի տարբեր մասնիկների ուսումնասիրմամբ: Այնինչ, շատ մասնագետներ պնդում են, որ օրգանիզմի որևէ օրգան առանձին բուժել հնարավոր չէ...

Մասնագետները համարում են, որ կենսագործունեության համար մարդու օրգանիզմին հարկավոր է օրական 1200-1700 կկալ...

Մարդը շրջապատող բնության հետ միասնություն կազմող ինքնակարգավորվող մի համակարգ է, բնության բարձրագույն ռեսուրսը: Ռուս ֆիզիոլոգ, հոգեբան, նյարդաբան, ռուսական խոշորագույն ֆիզիոլոգիական դպրոցի հիմնադիր Իվան Պետրովիչ Պավլովն...

ԿՅԱՆՔԸ ՏԱՍԸ ՏԱՐՈՎ ԵՐԿԱՐԱՑՆԵԼՈՒ ԽՈՐՀՈՒՐԴՆԵՐ

Ծխելուց եւ ալկոհոլից հրաժարվելը, առողջ սննդակարգը, թեթև քաշը եւ մշտական ֆիզիկական վարժությունները մարդու կյանքը միջին հաշվով երկարացնում են առնվազն տասը տարով: Այդ մասին Գերմանիայի Բոննի համալսարանի Կրեմերի ինստիտուտի հրատարակած հոդվածում: Մեր ուսումնասիրությունը ցույց է տվել, որ առողջ կենսակերպը մնում է կյանքը երկարացնելու գլխավոր միջոցը: Ցավոք, այսօր գրեթե ոչ ոք չի կատարում այդ պարզ կանոնները:



«Չարկ է, որ քաղաքական գործիչներն ու պաշտոնյաները լուրջ ջանքեր ներդնեն ստեղծելու համար այնպիսի միջավայր, ուր ճիշտ սննդակարգը, ֆիզիկական վարժությունները եւ վնասակար սովորույթների բացակայությունը տարածում ստանան բնակչության շրջանում»,- նշել է Գերմանիայի համալսարանի (ԱՄՆ) բժիշկ Ֆրենք Յուն: Այսօր գիտնականների մեծամասնությունն այն կարծիքին է, որ սննդակարգը եւ առանձին սննդամթերքներ ուժեղ ազդեցություն են գործում ոչ միայն մարդու քաշի, այլև նրա ուղեղի, անոթների, սրտի եւ մարմնի մյուս հանգուցային օրգանների առողջության վրա: Օրինակ, վերջերս գիտնականները ցույց տվեցին, որ մեծ քանակությամբ ծխախոտի յուրի եւ միջերկրածովյան կերակրատեսակների օգտագործումն զգալիորեն նվազեցնում է ուղեղի կաթվածից եւ ինֆարկտից մահանալու վտանգը, իսկ կերակրի մեջ աղի չափազանց մեծ քանակությամբ օգտագործումը, ընդհակառակը, վատթարացնում է սիրտ-անոթների վիճակը: Համանման ձեռով, ինչպես վերջին մի քանի տարում պարզել են գիտնականները, մարդու օրգանիզմի վրա ներգործում է սպորտը եւ վնասակար սովորույթներից հրաժարվելը: Հուն եւ նրա գործընկերները փորձել են հասկանալ, թե ման նախապատվությունները որքան ուժեղ կազդեն միջին տարիքի տիպիկ մարդու կյանքի տեւողության վրա, որոնք չեն տառապում ժառանգական հիվանդություններից: Դրա համար գիտնականները վերլուծության են ենթարկել այն տվյալները, որոնք վերջին երեք տասնամյակների ընթացքում հավաքվել են մոտավորապես 40 հազար բուժքույրերի եւ բժիշկների առողջության դիտարկումների ընթացքում, որոնք անցկացվել են NHS եւ NHANES նախագծերի շրջանակներում: Համեմատելով առողջ բժիշկների եւ նրանց այն գործընկերների կյանքի տեւողությունը, որոնք տառապում են ճարպակալումից, վնասակար սովորույթներից եւ նստակյաց կյանք են վարում՝ Հուն գործընկերների հետ պարզել է, որ այդ բոլոր խնդիրները կյանքից խլում են 12-14 տարի: Այն տղամարդիկ ու կանայք, որոնք պահպանում են բոլոր հիմն առողջ կենսական սկզբունքները, ապրել են միջինը մինչև 87 եւ 93 տարի այն դեպքում, երբ այդ նախագծերի մնացած մասնակիցներն ապրել են միայն 75-79 տարի:

«ԲԺՇԿՈՒԹՅԱՆ ԿՐԱԿ»

ԱՆՍԱՐՈՒԹՅԱՆ ՓՈԽԱՐԵՆ...

Բազմաթիվ վկայություններ կան այն մասին, որ վառողը հայտնաբերվել է Զինաստանում: Մեր թվարկության առաջին հարյուրամյակում սելիտրան Զինաստանում հայտնի էր, եւ համոզիչ ապացույցներ կան այն մասին, որ սելիտրան եւ ծծումբն օգտագործվում էին զանազան համադրություններով՝ հիմնականում դեղեր ստանալու նպատակով: 11-րդ դարում, փորձելով գտնել անմահության էլիքսիրը, չինացի ալքիմիկոսները տարբեր մյուսեր էին խառնում այդ փորձարկումների ժամանակ այրելով ձեռքերն ու դեմքը: Նույնիսկ պատահել է, որ տուն է հրդեհվել, եւ զոհեր են եղել: Ի դեպ, չինարենում «վառող» բառը բառացիորեն հենց «բժշկության կրակ» է նշանակել: Վարկածներից մեկի համաձայն, չինացի մի ալքիմիկոս սելիտրայի եւ սոժիի խառնուրդ է ստացել, որն այրվել է: Այդպիսով, հայտնաբերվել է վառողը: Արդյունքում, անմահության էլիքսիրի փոխարեն, սեղի է ունեցել ճիշտ հակառակը. սելիտրայի հայտնագործմամբ, պատերազմներում մահացությունների թիվը կտրուկ մեծացել է:

ԹԵՎԱՎՈՐ ԱՏՔԵՐ

Table with names and dates: Սուտ սերերն ալելի վտանգավոր են, քան բացահայտ ու խորունկ աստելությունները: ԵՐՈՒՄԱՆ (1870-1915) Արեւմտահայ գրող, եղեռնի գոհ Գայերենը լեզուների անծանոթ գեղուհին է: ՎԱԼԵՐԻ ԲՐՅՈՒՄՈՎ (1873-1924) Ռուս բանաստեղծ Շոքոբոբը ընկերոջն առանձնացնել էր որոշակի ջանքերի դեպքում ճանաչել կարելի է այնպես, ինչպես բոլոր ներկածն ու կեղծածը՝ մաքուրից ու ճշմարտից: ՑԻՑԵՐՈՆ (մ.թ.ա. 106-մ.թ.ա.43) Հին հռոմեական քաղաքական գործիչ Կենդանիներն ունեն վեհանձն հատկություն. առյուծը երբեք փորձառությունից չի դառնա մյուս առյուծի ստրուկը, իսկ մեծույզը՝ մյուս մեծույզի ստրուկը: ՄՈՆՏԵՆ (1533-1592) Ֆրանսիացի փիլիսոփա Ալելի լավ է սպասել լավին, քան տիրանալ անպետքին: ՍԵՐՎԱՆՏԵՍ (1547-1616) Իսպանացի գրող Մտածելիս գլուխն է ցավում, ուտելիս՝ ստամոքսը: Գ.ԵՂԻԱՋԱՐՅԱՆ «Վրաստանի» ընթերցող

ԱՆԵԿԴՈՏՆԵՐ

- 3-4 տարեկան 2 եղբայրներ կռիվ են անում, փոքրը մեծին ասում է. - Էջի՛ տղա: Մաման էլ ջղայնացած. - Բալե՛ս, չի կարելի, բա քո մաման-պապան է՞ջ են, որ ըտենց բաներ են ասում: Երեխան էլ ասում է. - Էջ են, բա ի՞նչ են: Ամուսիններն ընկնում են ամնարդաբան կղզի, ամուսինն ասում է. - 2 ժամից մութը կընկնի, գազանները կգան մեզ կուտեն: - Դե՛, վերջին անգամ ընենց արա, որ ես ինձ կիմ գզամ: Ամուսինը շալվարը հանում է. - Վերցրու, արդուկի: Մեկը հանդիպում է իր ընկերոջը, ում մի 10 տարի տեսած չի լինում. - Բարե՛ս, Գեւորգ ջան, ո՞նց ես, ո՞նց չես, լսի, բա չես ուզո՞ւմ ամուսնանալ: - Է՛հ, ես ուզում եմ, բայց կնիկս ու երեխեսքս դեմ են... Ուսանողն արձակուրդ է գալիս ծնողների տուն: Բացում է սառնարանի դուռը եւ տեսնում, որ ներսում մի կիսամերկ գեղեցկուհու լուսանկար է փակցված: Չարմաքով հարցնում է մորը. - Մա՛մ, սա ի՞նչ է: - Ես եմ կացրել, որ քիչ ուտես: Ամեն անգամ, երբ բացում եմ սառնարանի դուռը ուտելիք վերցնելու, տեսնում եմ լուսանկարը եւ մտածում. «Ահա թե ինչ կազմվածք կուզեի ունենալ»: - Օգնո՞ւմ է... - Համ՛ հա, համ՛ չէ: Ես հիմնուկես կիլո կորցրել եմ, բայց ա՛յ, հայրդ տալը կիլոյով գիրացել է... Առավոտյան կինն ասում է ամուսնուն. - Պատկերացնո՞ւմ ես, սիրելիս, երազումս տեսա, որ դու ինձ աղամանդե շքեղ ակամջօղեր ես նվիրում: Տեսնես՝ ի՞նչ է նշանակում: Ամուսինը, համբուրելով կնոջը, պատասխանում է. - Երեկոյան կիմանաս: Երեկոյան կինը գալիս է տուն, սեղան է զգում, միս է տապակում, բացում է գինու շիշը, մոմեր է վառում... Գալիս է ամուսինը, կնոջը նվիրում մի տուփ: Կինը ժպտալով բացում է, իսկ այնտեղ... «Երազահան»:

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

ՀԱՅ-ՌՈՒՍԱԿԱՆ ՀԱՐԱԲԵՐՈՒԹՅՈՒՆՆԵՐԻՆ ՆՈՐ ԹԱՓ ՀԱՂՈՐԴԵԼՈՒ ՊԱՏՐԱՏԱԿԱՄՈՒԹՅՈՒՆ

Մայիսի 14-ին, Եվրասիական միջկառավարական խորհրդի նիստի շրջանակում, Սոչիում տեղի ունեցավ Հայաստանի նորընտիր վարչապետ Նիկոլ Փաշինյանի և Ռուսաստանի Դաշնության նախագահ Վլադիմիր Պուտինի հանդիպումը:

Ողջունելով Հայաստանի վարչապետին Վլադիմիր Պուտինը հայտարարեց, որ Ռուսաստանը Հայաստանը դիտարկում է որպես կարևոր գործընկեր ու դաշնակից տարածաշրջանում: Պուտինը նշեց, որ ՌԴ-ն Հայաստանի գլխավոր տնտեսական գործընկերն է, և հույս հայտնեց, որ այդ կապերը ոչ միայն կպահպանվեն, այլև կբազմապատկվեն:

Իր հերթին, Նիկոլ Փաշինյանը շնորհակալություն հայտնեց հանդիպման համար՝ նշելով, որ քննարկման առանցքում

որոշակի հարցեր են:

- Բայց այն, ինչ քննարկման ենթակա է, Հայաստանի ու Ռուսաստանի միջև ռազմավարական ու դաշնակցային հարաբերություններն են: Ես կարող եմ վստահեցնել, որ Հայաստանում այդ հարցում կա կոնսենսուս, և ոչ ոք երբեք կասկածի տակ չի դրել ու, հուսով եմ, չի դնի հայ-ռուսական եղբայրական հարաբերությունները: Մենք ունենք մեծ ցանկություն նոր իմպուլս տալ մեր հարաբերություններին, ինչպես քաղաքական, այնպես էլ՝ առևտրային ու

տնտեսական առումով: Մենք հույս ունենք զարգացնել մեր կապերը ռազմատեխնիկական ուղղությամբ, - ասաց Նիկոլ Փաշինյանը:

Վարչապետը ընդգծեց ՌԴ հավասարակշռված դիրքորոշումը ՀՀ ներքաղաքական հարցերի առնչությամբ: - Ես կարծում եմ, որ դա շատ կառուցողական դիրքորոշում էր, որը լավ վերա-



բերումների է արժանացել ոչ միայն քաղաքական շրջանակներում, այլև հասարակության մակարդակում, - ասաց նա:

ՁԵՎԱՎՈՐՎԵՑ ՀԱՅԱՍՏԱՆԻ ԿԱՌԱՎԱՐՈՒԹՅՈՒՆԸ

(Սկիզբը՝ 1-ին էջում)



Առաջին փոխվարչապետ ԱՐՄԱՐԱՏ ՄԻՐՁՈՅԱՆ. 39 տարեկան: Ավարտել է ԵՊՀ պատմության ֆակուլտետը: Աշխատել է տեղի և միջազգային Մեդիա հարթակներում: «Քաղաքացիական պայմանագիր» կուսակցության հիմնադիր անդամ է: Ամուսնացած է, ունի մեկ դուստր և մեկ որդի:



Փոխվարչապետ ՏԻԳՐԱՆ ԱՎԻՆՅԱՆ. 29 տարեկան: Ավարտել է Սլավոնական համալսարանի Կիրառական մաթեմատիկայի ֆակուլտետը, Լոնդոնի «Քուին Մերի» համալսարանի մագիստրատուրան: «Քաղաքացիական պայմանագիր» կուսակցության վարչության անդամ է: Ամուսնացած է, ունի մեկ դուստր:



Փոխվարչապետ ՄՅԵՐ ԳՐԻԳՈՐՅԱՆ. 46 տարեկան: Աշխատել է Կենտրոնական բանկում: Եղել է ՎՏԲ Հայաստան բանկի գլխավոր տնօրենի տեղակալը: Ունի երկու երեխա:



Պաշտպանության նախարար ԴԱՎԻԹ ՏՈՒՅԱՆ. 52 տարեկան: Մինչ նոր նշանակումը, ՀՀ արտակարգ իրավիճակների նախարարն էր: Ամուսնացած է ունի դուստր և որդի:



Կրթության և գիտության նախարար ԱՐԱՅԻԿ ՀԱՐՈՒԹՅՈՒՆՅԱՆ. 39 տարեկան: Ավարտել է Երևանի պետական համալսարանի Արևելագիտության ֆակուլտետը: Աշխատել է մի շարք միջազգային կառույցներում: Դասախոսում է ԵՊՀ նույն ֆակուլտետում: «Քաղաքացիական պայմանագիր» կուսակցության խորհրդի անդամ է:



Արտաքին գործերի (ԱԳ) նախարար ԶՈՂՐԱԲ ՄԼԱՑՅԱԿՆՅԱՆ. 52 տարեկան, ավարտել է Մոսկվայի միջազգային հարաբերությունների պետական ինստիտուտը: Սովորել է Մանչեսթերի «Վիկտորիա» համալսարանում: Աշխատել է ԱԳ-ում, Վատիկանում, Լոնդոնում, ժնեյում, Ստրասբուրգում: Եղել է ԱԳ փոխնախարար, 2014-ից ՄԱԿ-ում Հայաստանի ներկայացուցիչն է: Ամուսնացած է, ունի երկու որդի:



Արդարադատության նախարար ԱՐՏԱԿ ԶԵՅՆԱԼՅԱՆ. 49 տարեկան: 1990-1997թթ. կամավոր մասնակցել է Հայաստանի և Արցախի սահմանների պաշտպանությանը «Նիկոլ-Դուրան» երկրապահ կամավորական ջոկատի կազմում, 1992թ. վիրավորվել է և կորցրել ոտը: Եղել է առողջապահության փոխնախարար: 2010-ին դասավանդել է Փաստաբանների դպրոցում և Փաստաբանների պալատում: Ամուսնացած է, ունի չորս զավակ և մեկ թոռ:



Ֆինանսների նախարար ԱՏՈՍ ԶԱՆԶՈՒՂԱԶՅԱՆ. 47 տարեկան: Տեխնիկական գիտությունների թեկնածու է: 1995թ.-ից աշխատում է ֆինանսների նախարարություն-

ում: 1999-ից ՀՀ ֆինանսների նախարարի տեղակալ-գլխավոր զանձապետն է: Դասավանդում է մի շարք բուհերում:



Տարածքային կառավարման և զարգացման նախարար ՍՈՒՐԵՆ ՊԱՊԻԿՅԱՆ. 32 տարեկան, պատմաբան: 2012-2016թթ. սովորել է Սանկտ Պետերբուրգի պետական համալսարանի ասպիրանտուրայում: «Քաղաքացիական պայմանագիր» կուսակցության վարչության փոխնախագահն է:



Սփյուռքի նախարար ՄՆԻԹԱՐ ՀԱՅՐԱՊԵՏՅԱՆ. 27 տարեկան: Արևելագետ է, գիտական հոդվածների հեղինակ: Աշխատել է մի շարք լրատվական գործակալություններում որպես վերլուծաբան:



Աշխատանքի և սոցիալական հարցերի նախարար ՄԱՆԵ ԹԱՆԿԻՆՅԱՆ. 40 տարեկան, ավարտել է ՀՊՄ համալսարանի պատմության ֆակուլտետը, ինչպես նաև Հայաստանի ամերիկյան համալսարանի բիզնեսի կառավարման բաժինը: 2009թ. աշխատել է «Սինոփսիս Արմենիա» ՓԲԸ-ում որպես ֆինանսական տնօրենի տեղակալ, գլխավոր հաշվապահ: 2017թ. «Ելք» դաշինքի կողմից ընտրվել է ԱԺ պատգամավոր: «Լուսավոր Հայաստան» կուսակցության փոխնախագահն է: Ունի երկու երեխա:




Արտակարգ իրավիճակների նախարար ԶՐԱԶՅԱ ՌՈՍՏՈՅԱՆ. 37 տարեկան: Մասնագիտությամբ ատամնաբույժ-թերապետ է: Եղել է ՀՀ սպորտի և երիտասարդության հարցերի նախարար: «Բարգավաճ Հայաստան» կուսակցության անդամ է:



Էներգետիկ ենթակառուցվածքների և բնական պաշարների նախարար ԱՐԹՈՒՐ ԳՐԻԳՈՐՅԱՆ. 49 տարեկան: Աշխատել է արդարադատության նախարարությունում, Վերահսկիչ պալատում: Եղել է ՀՀ աշխատանքի և սոցիալական հարցերի նախարար, «Բարգավաճ Հայաստան» կուսակցության անդամ է, արդարադատության փոխգնդապետ: Ամուսնացած է, ունի երկու զավակ:



Գյուղատնտեսության նախարար ԱՐԹՈՒՐ ԽԱԶՍՏՅԱՆ. 46 տարեկան: Մասնագիտությամբ՝ ֆիզիկոս: Ավարտել է ԵՊՀ-ն, ապա՝ Հայաստանի ամերիկյան համալսարանը: Ֆիզիկամաթեմատիկական գիտությունների թեկնածու է: 2016-2017թթ. աշխատել է ՀՀ տարածքային կառավարման և զարգացման նախարարությունում որպես նախարարի տեղակալ, ապա՝ նշանակվել է Շիրակի մարզպետ: Տիրապետում է հայերենին, ռուսերենին և անգլերենին: 1991թ.-ից ՀՀ-ի անդամ է: Ամուսնացած է, ունի 3 երեխա:



Առողջապահության նախարար ԱՐՄԵՆ ԹՈՐՈՍՅԱՆ. 36 տարեկան, ավարտել է Երևանի Միխայր Յերացու անվան պետական բժշկական համալսարանը: Աշխատել է տուբերկուլյոզի դեմ պայքարի ազգային կենտրոնում: Եղել է «ՄԻԲՍ» բժշկա-ախտորոշիչ կենտրոնի տնօրենը: Ամուսնացած է, ունի երկու զավակ:



Մշակույթի նախարար ԼԻԼԻԹ ՄԱԿՈՒՆՅ. 35 տարեկան: Բանասիրական գիտությունների թեկնածու: Սովորել է դիպլոմավորված Ամերիկայի «Թաֆթս» համալսարանի Ֆլետչերի ամառային դպրոցում: 2005թ. մինչ օրս դասավանդում է Հայաստանի համալսարանում: Ամուսնացած է:



Տնտեսական զարգացման և ներդրումների նախարար ԱՐԾՎԻԿ ՄԻՆԱՍՅԱՆ. 46 տարեկան: Տնտեսագետ և իրավաբան: ԵՊՀ-ից հետո կարճաժամկետ ծրագրերով ուսումը շարունակել է Մոսկվայում, Վաշինգտոնում և Նյու Յորքում: 2012 և 2017 թթ. երկու անգամ ՀՀ-ի կողմից ընտրվել է ԱԺ պատգամավոր: 2005-2007թթ. եղել է ՀՀ աշխատանքի և սոցիալական հարցերի փոխնախարար, էկոնոմիկայի, բնապահպանության նախարար: ՀՀ-ի անդամ է:



Բնապահպանության նախարար ԷՐԻԿ ԳՐԻԳՈՐՅԱՆ. 39 տարեկան: Տնտեսագետ: Սովորել է ԵՊՀ-ում, Հունաստանում, Գերմանիայում: 2002 թ.-ից աշխատում է բնապահպանության նախարարությունում: Աշխատել է Հայաստանի Ամերիկյան համալսարանում: 2017-ի փետրվարից եղել է վարչապետի օգնական: Անկուսակցական է: Ամուսնացած է, ունի երկու որդի:



Սպորտի և երիտասարդության հարցերի նախարար ԼԵՎՈՆ ՎԱՅՐԱՊՅԱՆ. 34 տարեկան: Ավարտել է Ֆիզկուլտուրայի պետիստիտուտը, որտեղ էլ 2006-2010 թթ. դասախոսել է: Ավարտել է նաև Պետական կառավարման ակադեմիան: Աշխատել է սպորտի և երիտասարդության հարցերի նախարարությունում: Ամուսնացած է, ունի դուստր:



Տրանսպորտի, կապի և տեղեկատվական տեխնոլոգիաների նախարար ԱՇՈՏ ՀԱԿՈԲՅԱՆ. 50 տարեկան: Ավարտել է Երևանի պետական համալսարանի իրավագիտության ֆակուլտետը: Աշխատել է ՆԳ և ԱԱ նախարարություններում, ոստիկանության քննչական գլխավոր վարչությունում: Արդարադատության գնդապետ է: Ամուսնացած է, ունի 2 երեխա:



Հայաստանի Հանրապետության ոստիկանապետ ՎԱԼԵՐԻ ՕՍԿՐՅԱՆ. 48 տարեկան: Մինչ նշանակումը եղել է Երևանի ոստիկանապետի տեղակալը:



Ազգային անվտանգության ծառայության (ԱԱԾ) տնօրեն ԱՐԹՈՒՐ ՎԱՆԵՑՅԱՆ. 39 տարեկան: Սովորել է Սանկտ Պետերբուրգի արտաքին տնտեսական կապերի և իրավունքի համալսարանում, ՌԴ անվտանգության ծառայության ակադեմիայում: ԱԱԾ համակարգում է 2000թ.-ից, որտեղ զբաղեցրել է տարբեր պաշտոններ: 2016-2018 թթ. զբաղեցրել է ԱԱԾ Երևանի քաղաքային վարչության պետի տեղակալի պաշտոնը: Ամուսնացած է, ունի երկու զավակ:

ՄԱՅԻՍԻ 27-ԻՆ

ՎԱՐԴԱՏՈՆ Է



Մայիսի վերջին կիրակի օրը՝ 27-ին, մայրաքաղաքի Վախթանգ Գորգասալու անվան հրապարակում կթեւածի «Վարդատոնը»:

Կմատուցվի տոնական պատարագ, հավարտ որի, ծաղիկներ կխոնարհվեն զավթում հանգչող բանաստեղծի շիրմին:

«ԵՎՐԱՏԵՍԻԼ - 2018»

ԻՍՐԱՅԵԼՅԻ ՆԵՏԱՆ՝ ԵՎՐԱՏԵՍԻԼԻ ՀԱՂԹՈՂ

«Եվրատեսիլ 2018» երգի հեղինակավոր մրցույթում 529 միավորով, հաղթեց Իսրայելի ներկայացուցիչ Նետան՝ «Toy» երգով:

Մրցույթի եզրափակիչ փուլը տեղի ունեցավ մայիսի 12-ին, Պորտուգալիայի մայրաքաղաք Լիսաբոնում:



Երկրորդ հորիզոնականը զբաղեցրեց Կիպրոսի, իսկ երրորդը՝ Ավստրիայի ներկայացուցիչը: Վրաստանը ներկայացնող «Իրիաո» համույթը եւ Զայաստանի ներկայացուցիչ Սեակ Խանադյանը կհասեզրափակիչ փուլերի արգելագիծը չկարողացան հաղթահարել ու դուրս մնացին:

Թվով 63-րդ «Եվրատեսիլ 2018»-ին մասնակցեցին 42 երկրների ներկայացուցիչներ: Մրցույթն այս տարի կրում էր «All Aboard» («Բոլորս դեպի տախտակամած») թեմատիկ նշանաբանը:

ՍՎԱՆՏԱԿԱՆ

ԱՆՅՎԱՅՎԵՅ ՏՈՒՄԱՅԻ ՓԱՌԱՏՈՆԸ

Մայիսի 13-ին Թբիլիսիում, Բաթումիում, Ռուսթավիում, Ախալքալաքիում եւ Նինոծմինդայում վեցերորդ անգամ անցկացվեց ավանդական դարձած տոլմայի փառատոնը: Այն իրականացվում է Վիրահայոց թեմի աջակցությամբ եւ կանանց «Շուշանիկ» միության նախաձեռնությամբ:

Վիրահայոց թեմի առաջնորդ Վազգեն եպիսկոպոս Միրզախանյանի եւ Զակար արքեպիսկոպոսի կողմից օրհնվեցին տոլմայով և կաթամերը, եւ փառատոնը հայտարարվեց բացված:

Փառատոնին ներկա էին հատուկ այս առիթով երեւանից ժամանած պատվիրակությունը, որի կազմում էին «Հայաստանի առաջին խոհարար» տիտղոսակիր Սեդրակ Մամուլյանը, Յուրի Սարգսյանը, Էդուարդ Սիմոնյանը, Վազգեն Խաչիկյանը վաստակավոր արտիստուհի, ծնունդով թբիլիսցի Լեյլա Սարիբեկյանը:



ՄՊՈՐՏ

ՎՐԱՍՏԱՆԸ ԿՐՅՈՒՐՆԿԱԼԻ ԴԱՅՈՒԿԱՎԱՋՔԻ ԵՎ ՍՆՈՒԲՈՐԴԻ 2023 ԹՎԱԿԱՆԻ ԱՇԽԱՐՀԻ ԱՌԱՋՆՈՒԹՅՈՒՆԸ

Առաջին անգամ Կովկասում Վրաստանը արժանացել է ազատ ոճի դահուկավազքի եւ սնուբորդի 2023 թվականի աշխարհի առաջնությունը հյուրընկալողի պատվին: Առաջնությունը կանցկացվի Բակուրիանիում եւ Գուդաուրիում:

Նշված հարցի կապակցությամբ որոշումը Դահուկավազքի միջազգային ֆեդերացիան կայացրել է օրերս Զուգաստանում անցկացված կոնգրեսին:

2023 թվականին Վրաստանում աշխարհի առաջնության անցկացման մասին հայտը վարչապետ Գիորգի Կվիրիկաշվիլին անձամբ ներկայացրել էր Դահուկավազքի միջազգային ֆեդերացիայի նախագահ Ջան Ֆրանկո Կասպերսին:



«Սուրբ Մովսես Խորենացի» նախակրթարանը:

Մրցատյանի որոշմամբ, փառատոնի բոլոր մասնակիցներն ստացան հավաստագրեր եւ հուշանվերներ, անվանակարգերի հաղթողները՝ բրոնզե, արծաթե եւ ոսկե մեդալներ:

Միջոցառումը հայկական լավաշ հացով, զովագուցիչ ըմպելիքով եւ փառատոնին անհրաժեշտ այլ պարագաներով ապահովել էին «Բեբոս լավաշի» («Տատիկի լավաշ») եւ «Արմենիա» խանութի «VIVA» ընկերությունները, ինչպես նաեւ անհատ մվիրատուներ:

ՆՈՐ ՎԱՐԿԱՆԻՇԸ՝ ԽԱՂԻ ՈՐԱԿԻ ԳՆԱՐՏԱՍԿԱՆ



Ֆուտբոլի միջազգային ֆեդերացիան (ՖԻՖԱ) հրապարակել է ազգային հավաքականների հերթական վարկանիշային աղյուսակը: Դասակարգման նոր ցուցակում Վրաստանի հավաքականը առաջադիմել է մեկ հորիզոնականով եւ ներկայումս հանգրվանել 95-րդ տեղում: Զայաստանի ազգային ընտրանին պահպանել է իր դիրքերը նոր ցուցակում եւ նախորդի օրինակով զբաղեցրել 98-րդ տեղը:

Դասակարգման աղյուսակի առաջին տասնյակում փոփոխություն չկա. միմյանց հաջորդում են Գերմանիայի, Բրազիլիայի, Բելգիայի, Պորտուգալիայի, Արգենտինայի, Շվեյցարիայի, Ֆրանսիայի, Իսպանիայի, Զիլիի, Լեհաստանի հավաքականները:

8x8 grid with numbers 1-60 scattered in various cells.

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Գետ պատմական Զայաստանում: 4.Աշխարհի ամենամեծ մարզադաշտը: 10.Շիրազի մուսամերի լեռը: 12.Արգենտինացի հանրապետության ֆուտբոլիստ Դիեգո ...: 14.Թոշմած, խանութ, թռռած: 16.Խոշոր ջրվեժ Զյուսիսային Ամերիկայում: 17.Շնչավոր առարկա, մարդ: 19.Ֆուտբոլիստի ոչ ճիշտ հարվածը դեպի դարպաս: 20.Ընտանի կենդանի: 21.Պարզել, ընծա: 23.ժողովրդի կողմից արված դատաստանը: 25.Ածականի գերադրական աստիճանը: 29.Գրելու ձեռք, ստեղծագործելու տիպը: 31.Վիրահայ գրող ... Եթեր: 32.ԱՄՆ-ի Ազգային ժողովը, խորհրդարանը: 35.Պատրաստ, ուշադրություն, ...: 37.Ամերիկացի գրող ... Տվեց: 39.Խորհրդային ռուս կինոդերասանուհի ... Լուչկա: 40.Գրիգոր Լուսավորչի հայրը: 41.Ստորադասական շաղկապ: 42.Սիրիայի նախագահ ... Ալ Ասադ: 44.Նիրիել, քնել, մրավել: 45.Բանաստեղծ, «Ոգնի» երգիծաթերթի լուսահոգի խմբագիր ... Սահակյան: 47.Ղազախական գուսան: 48.Ասեմ, ..., ասի: 49.... ապրել, ետ մնալ: 52.Մուգ, ոչ վառ գույն: 54.Տատիկի ուսաշորը: 56.Շիրվանգաղեի ստեղծագործություններից: 59.Կաթնամթերք: 60.Ամրաբազուկ, անքաքտելի: ՈՐՈՂԱՆՅԱՆ. 2.Զայոց թագուհի: 3.Անգլիացի դեպի տեղի գրող ... Քրիստի: 5.Մողեսի տեսակ: 6.Գետ, որն անվանում են «Զայոց Գանգես»: 7.Շախմատի աշխարհի չեմպիոն Լեւոն ...: 8.Քառազագաթ լեռ Զայաստանում: 9.Քաղաք Զայաստանի Արագածոտնի մարզում: 11.Զին իսլանդական արձակաք: 12.Ստ.Զորյանի գրական հերոս ... ապեր: 13.Դոնա..., Սամա...: 15.Կուբայի նախկին նախագահ ... Կաստրո: 18.Տիրել, բռնագրավել: 22.Սեսրոպյան այբուբենի գինվոր: 24.Չմեռային մարզագույր: 26.Ռուս բանաստեղծ Ա.Պուշկինի հերոս ... Ռոստոմ: 27.Զայաստանի Առաջին Զանրապետության վարչապետ ... Վրացյան: 28.Զայ նշանավոր ֆիդայի ... Դուման: 29.Զայ մշակույթի գործիչ, վարդապետ, լեզվաբան ... Երեւանցի: 30.Եկեղեցական-ճարտարապետական կառույց Արցախում: 31.Գրող Աշոտ Գրիգորյանի կեղծանունը: 33.Շաքարի տեսակ: 34.Զայաստանի մարզերից: 36.ժխտական նախածանց: 38.Փոքր արջ: 43.Անմարդաբնակ վայր: 46.Շեքսպիրյան հերոս: 49.Գ.Էմինի գովերգած գյուղը: 50.Զայ վրիժառու ... Թռչալայր: 51.Թիֆլիսում 1872-1921թթ. լույս ընծայված պարբերական: 53.Թռչուն: 55.Շեքսպիրի հանրահայտ արքան: 56.Նիդերլանդացի հայտնի նկարիչ: 58.Լեզվաբան, հայագետ, ակադեմիկոս Նիկողայոս ...:

Կազմեց ԱՆՆԱ ՍԱՐԻԲԵԿՅԱՆԸ

ՆԱԽՈՐԴ ԶԱՄԱՐԻ ԽԱՉԲԱՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 7.Վաղահաս: 9.Ոչ-ոքի: 10.Կոճղ: 11.Պոմիդոր: 13.Սցխեթ: 16.Գոր: 17.Բուհ: 19.Ռոմեն: 22.Դուման: 24.Սինեմա: 25.Թաազ: 27.Բուզաղի: 29.Մոնիկա: 32.Դրակուլա: 33.Պոբեդա: 35.Գերբ: 37.Վես: 39.Չանգու: 40.Անառ: 43.Դող: 44.Սալի: 47.Արեւ: 49.Դիվան: 50.Ավիա: 53.Չանա: 54.ԱՄՆ: 55.Աղաղ: 57.Նեյ: 58.Շամբուտ:

ՈՐՈՂԱՆՅԱՆ. 1.Մագոգ: 2.Օարի: 3.Զակար: 4.Հողմ: 5.Խորի: 6.Կիր: 8.Սորուն: 12.Մորմ: 14.Ցրուն: 15.Եղեն: 18.Ինաղ: 19.Որբուկ: 20.Մերիլենդ: 21.Նանա: 23.Աթանես: 26.Արիս: 28.Ուշով: 29.Մաղ: 30.Նուգա: 31.Կարգով: 34.Բեռլին: 36.Բուր: 38.Սար: 41.Նանայ: 42.Ռեւանց: 45.Աղաղ: 46.Իվան: 48.Սիան: 51.Աղբ: 52.Ուղտ: 56.Աու:

Խմբագիր՝ ՎԱՆ ԲԱՅԲՈՒՐԹՅԱՆ

Մեր հասցեն՝ Թբիլիսի 0105 Գ.Աթոնելի փ. 5 Դեռ. 2990-739, 2990-774 www.vrastan.ge E-mail: vrastan@caucasus.net

Գրանցման վկայական № 4 4 - 1439 «ԿՈԼՈՐ» հրատարակչություն

«BPACTAH» Тбилиси, Грузия <VRASTAN> Georgia, Tbilisi Индекс 66445